

21. Et nota, vi illius axiomatis, quòd nihil possit esse in effectu quod non præ-existat in causa, non ex quovis conceptu ostendi posse actualem rei conceptæ existentiam; sed tantum ex illo conceptu, qui majus ac melius quid repræsentat, quàm in concipiente & rebus quibuscunque aliis conceptis, sive separatim sive junctim acceptis, reperiatur, quique adeo nullam aliam habere potest causam, præter rem illam animo repræsentatam, optimam, maximam, potentissimam, sapientissimam, simplicissimam, justissimam, durabilissimam & , ut verbo absolvam, realissimam.

EXERCITATIO VII.

Idem argumentum pro Dei existentia ex idea Dei, quæ est in nobis, desumptum paulò adhuc plenius exponitur.

1. **Q**Uoniam non pauci conqueruntur se hujusce ratiocinii, qua Dei existentiam (ex eo solo quòd cogitare de Deo mens nostra possit) demonstramus, vim & veritatem non fatis percipere, an majorem adhuc ei lucem inferre queam tentabo.

2. In